

**SPORAZUM  
O IMPLEMENTACIJI OBAVEZA ENTITETA IZ  
KONAČNE ARBITRAŽNE ODLUKE ZA BRČKO  
O POVRATKU, REKONSTRUKCIJI I  
PROBLEMIMA RASELJENIH OSOBA**

Vlada Brčko Distrikta Bosne i Hercegovine koju zastupa  
gradonačelnik Siniša Kisić

Vlada Federacije Bosne i Hercegovine koju zastupa  
premijer Edhem Bičakčić

Vlada Republike Srpske koju zastupa  
potpredsjednik Vlade, Ostoja Kremenović


Pod pokroviteljstvom zamjenika visokog predstavnika i supervizora za Brčko, ambasadora Gerija Metjuza.

U cilju sprovedbe Konačne arbitražne odluke izdate od strane Međunarodnog arbitražnog tribunala za Brčko, od 5. marta 1999. godine, i u cilju uspostave Brčko Distrikta Bosne i Hercegovine (u daljem tekstu: Brčko Distrikt) kao jedinstvene administrativne jedinice pod isključivim suverenitetom Bosne i Hercegovine; podržavajući implementaciju Aneksa 7 Dejtonskog mirovnog sporazuma na području Brčko Distrikta; prihvatajući da postoji potreba za ubrzanjem procesa povratka stanovnika Brčko Distrikta svojim domovima i pronalaženje rješenja za one građane koji žele da ostanu u Brčko Distriktu, a ne posjeduju imovinu u Brčko Distriktu; i u skladu sa Memorandumom o razumijevanju od 19. septembra 2000. godine, dogovaraju sljedeće:

1. Vlada Republike Srpske će obezbijediti građevinski materijal za 12 kuća (od kojih će svaka obezbijediti smještaj za 4 porodice, u skladu sa urbanističkim planom Brčko Distrikta) na lokaciji Ilićke, u korist raseljenih lica koja su trenutno naseljena u mjesnoj zajednici Klanac, a koja za to ispunjavaju uslove. Takav materijal se treba dostaviti prije 11. novembra 2000. godine.
2. Vlada Federacije Bosne i Hercegovine će obezbijediti građevinski materijal, prije svega za 10 raseljenih lica koja su trenutno naseljena u mjesnoj zajednici Bukvik, a čije kuće se nalaze na teritoriji Brčko Distrikta i nisu zauzete, ali su oštećene ili uništene. Vlada Brčko Distrikta će dostaviti Vladi Federacije Bosne i Hercegovine detalje o statusu svake od imovina o kojima se radi.
3. Vlada Federacije Bosne i Hercegovine će hitno riješavati predmete onih raseljenih lica, koja su trenutno smještena u mjesnoj zajednici Klanac koji žele da se vrate u svoje domove u Federaciji Bosne i Hercegovine. U dodatku, Vlada Federacije Bosne i Hercegovine preuzima na sebe da napravi izvještaj o statusu onih kuća u Federaciji Bosne i Hercegovine koje pripadaju raseljenim licima trenutno smještenim u mjesnoj zajednici Klanac. Kompletna lista raseljenih lica smještenih u mjesnoj zajednici Klanac će biti dostavljena od strane OHR Sjever.

4. Vlada Republike Srpske će nastaviti isplaćivati plate osobama koje su ranije bile zaposlene u Ministarstvu za izbjegla i raseljena lica Republike Srpske, Odsjek u Brčkom, a trenutno su zaposleni u Vladi Brčko Distrikta. Ovaj dogovor će ostati na snazi do 31. decembar 2000. godine.
5. Oba entiteta će formirati radne grupe koje će raditi na analizi prijedloga iz projekta Brčko 2000, u cilju početka djelimične implementacije do februara 2001. godine. RS Ministarstvo će inicirati ovaj postupak.
6. Sve strane u ovom Sporazumu će kolektivno ispitati izvodljivost dobijanja kredita na osnovu hipoteke na neoštećenu, zauzetu ili uništenu imovinu, bez obzira na lokaciju iste, u cilju finansiranja rekonstrukcije ili izgradnje stambenih jedinica.
7. Vlada Brčko Distrikta će, u saradnji sa predstavnicima oba entiteta, napraviti plan za implementaciju Aneksa 7 Dejtonskog mirovnog sporazuma. Ovaj plan će biti osnova za dalji rad prema ovom Sporazumu.
8. Obaveze, kao i ostali tehnički detalji vezani za ovaj Sporazum biće navedene i ispunjene u roku od 30 dana od datuma potpisivanja ovog Sporazuma.


24. oktobar 2000. godine




-----  
Za Vladu Brčko Distrikta  
Gradonačelnik Siniša Kisić



-----  
Za Vladu Federacije Bosne i Hercegovine  
Premijer Edhem Bičakčić



-----  
Za Vladu Republike Srpske  
potpredsjednik Vlade, Ostoja Kremenović



-----  
Zamjenik visokog predstavnika, supervizor za Brčko  
Ambasador Geri Metjuz